



Na: Presidente di Konseho Insular di Boneiru  
Na atenshon di sr. R. Oleana  
Presente

Fecha: 9 di febrüari 2023

Tópiko: Petishon pa informashon konforme art. 48 RdO

Apresiabel sr. Oleana,

Nos frakshon a bin diskubri ku Konseho Insular a regalá su mes ketu ketu asina, un montante di mitar mion di dòler. Awo tiki tiki ta bin aparenta ku ta ultimo momentu a kambia e ordenansa pa loke ta trata e ordenansa pa ku kambio di kompensashon di frakshon den konseho insular, ku resultado ku esaki a bira dos biaha i mei mas karu.

Konforme artíkulo 172, insiso 2 di nos WolBES, un gezaghèber ta promové integridat atministrativo. Tumando na kuenta ku loke a keda deklará den media ku ta nifiká un impakto sumamente grandi riba e integridat di Konseho Insular, pero tambe Boneiru den su totalidat, nos frakshon a kuminsá hasi un investigashon preliminar.

Artíkulo 7, insiso 3 di e konsepto (*ontwerp verordening rechtspositie raadsleden en aanstelling en rechtspositie buitengewone eilandsraadcommissieleden Bonaire 2023*) numerá ER-2023000495, ta preskribí lo siguiente:

3. Het totale voor de fracties beschikbare budget bedraagt 0.9 procent van de totale begroting van het Openbaar Lichaam Bonaire. Het aldus bepaalde bedrag wordt gedeeld door het aantal leden van de eilandsraad. Het fractiebudget is één bedrag en wordt dus bepaald door het aantal leden van de fractie.

E konsepto di ordenansa menshoná a keda ofresé na konseho insular via e grifir dia 28 di sèptèmber 2023. Esaki den kuadro di un reunion èkstra ordinario di forma i tuma desishon solisitá pa frakshon di UPB, ku a keda konvoká pa dia 3 di òktober 2023. Den e konsepto di lei tin pará ku esaki a keda ofresé tumando na kuenta e proposishon di presidio di dia 6 di ougùstùs 2023.

E ordenansa den konsepto den promé instansia ku ta datá di dia 14 di sèptèmber e siguiente teksto pa loke ta trata art. 7 insiso 3 ta keda preskribí komo tal:

3. Ongeacht de omvang van de fractie ontvangt elke fractie een basisbedrag van USD 60.000,- per jaar. Daarenboven ontvangt de fractie voor elk extra raadslid een vergoeding van USD 2.500,- per jaar.

Normalmente e proseso ta ku e konsepto ta keda tratá den e komishon fiho 'Werkwijze', un relato final di e reunion ta keda kompilá, i un karta firmá pa e presidente di e komishon menshoná ku ta sra. Coffie, mester keda mandá pa presidio suplikando ku e ordenansa den konsepto akompañá pa e eventual kambionan, keda agregá riba agènda di e siguiente reunion públiko di konseho insular di Boneiru.

Nos frakshon no por enkontrá tal relato i tampoko e karta pa presidio kaminda ta indiká ku a hasi sierto kambionan na e ordenansa den konsepto. Sí nos a risibí e konvokashon di un reunion èkstra ordinario, pidí pa e frakshon di UPB, kaminda ta supliká un reunion di forma i tuma desishon pa dia 3 di òktober 2023. E tópiko di urgensia tabata ta e aprobashon di e promé i di dos raportahe di ehekushon 2023 (uitvoeringsrapportage) i tambe e di promé i di dos kambia di presupuesto 2023 i un presentashon di e presupuesto di 2024.

Normalmente ta asina ku loke ta riba agènda di forma opinion lo mester tei atrobe riba e agènda di forma opinion. Investigashon di nos frakshon a muestra ku no a sigui e prosedura aki. A agregá 5 punto èkstra sin motivashon (mira athuntu). E prosedura korekto ta ku presidente di konseho insular ta pidi pa agregá puntonan èkstra, hopi biaha a base di un desishon di presidio.

**Besluitvormende Raad** (BVR, vanaf 19:00 uur)

01. Opening en mededelingen
02. Vragenuur
03. Insprekers
04. Ingekomen stukken
05. Vaststelling agenda
06. 1e en 2e uitvoeringsrapportage 2023
07. 1e en 2e begrotingswijziging 2023
08. Verordening Vaste Raadscommissie Werkwijze Bonaire
09. Raadsbesluit Instructie en Mandatering Eilandgriffier Bonaire
10. Verordening werkbezoeken en dienstreizen ER Bonaire
11. Verordening rechtspositie raadsleden en aanstelling en rechtspositie buitengewone eilandsraadscommissieleden Bonaire
12. Verordening tot wijziging enkele bepalingen in de verordeningen reglement van orde eilandsraad en reglement van orde eilandsraadscommissies Bonaire
13. Sluiting

E desishon na punto 11 ku ta trata e ordansa den konsepto ku a keda tratá dia 3 di òktober 2023 den e reunion di tuma desishon tabata lo siguiente:

**AGENDAPUNT: 11**

**ONDERWERP: Verordening rechtspositie raadsleden en aanstelling en rechtspositie buitengewone eilandsraadscommissieleden Bonaire**

**BESLUIT: het document is zonder beraadslaging door de raad vastgesteld**

---

Tumanda na kuenta tur e maniobranan straño konstatá di parti di nos frakshon, a base di artíkulo 48 di nos Reglamentu di Òrdu, nos kier a supliká bo persona pa e siguiente informashon.

1. Dikon e ordenansa den konsepto (ER-2023000495) ta keda ofresé na konseho insular pa tratamentu sugeriendo ku esaki ta a base di e proposishon di presidio di dia 6 di ougùstùs 2023?
2. Konseho Insular por risibí e relato di presidio di dia 6 di ougùstùs 2023?
3. E ordenansa den konsepto menshoná a keda tratá den e komishon fiho 'Werkwijze'?
4. Konseho Insular por risibí e relato di e reunion en kuestion di e komishon menshoná?
5. Presidio a risibí un karta di e komishon menshoná suplikando pa pone e ordenansa den konsepto riba agènda di e siguiente reunion públiko di konseho insular?
6. E komishon a supliká kambionan den e konsepto manera menshoná anteriormente?
7. Si e kontesta ta nò, kon ta posibel ku tin kambionan sin ku esaki a keda tratá pa medio di un nota di kambio?
8. Ta ken ta responsabel pa e prosesonan di aprobashon i eventual kambionan kana na un manera transparente, efisiente i efikás?
9. Si e proseso no a kana bon, kua ta e vershon di e ordenansa ku ta na vigor aktualmente?
10. Bo persona lo destruí e desishon pa asina konseho insular por bolbe tuma un desishon al respekto?
11. Kiko ta e medidanan ku bo persona lo tuma pa salbuardia integridat di prosesonan di kambionan di lei i regla pa asina fortifiká transparensia i bon gobernashon?
12. Kua vershon di e ordenansa representante di reino a risibi pa por a duna su konseho riba dje?
13. Representante di reino ta na altura di e implikashon finansiero di e ahuste aki pa kada frakshon di konseho insular?
14. Kon por ta ku Ministerio di BZK por medio di representante di reino ta mira esaki nan sosode, ku e montante nan menshona i no ta aktua den e kaso aki?
15. Kiko ta medidanan ku Ministerio di BZK lo bai tuma?

En espera di kontestashon mi ta keda,

Atentamente,

H. Wout

Lider di frakshon di MPB